

Tocante nombramento di politico
den Raad van Advies

PROME MINISTRO TA LAMENTA CRITICA HACI PA PRESIDENTE DI CAMARA DI COMERCIO

ORANJESTAD (AAN) -- Ministro Presidente Mr. Henny Eman a declara den conferencia semanal di prensa, di Consejo di Ministro, cu e ta lamenta cu un organo semi-gubernamental manera Camara di Comercio, su presidente a expresa critica riba e hecho cu gobierno a nombra Sr. Armand Engelbrecht, ken ta un politico den Raad van Advies, y cu esey lo trece e funcionamiento di e institucion aki na peligro.

Ministro Presidente a acentua cu si e funcionario a investiga y wak un tiki mas leu e lo tabata sa cu hustamente Raad van Advies tin miembronan cu casi semper ta ex-politico, y entre mas forza e politico tin den su carera mehor miembro e por ta di Raad van Advies cu ta un cuerpo consehero na gobierno y cu semper den henter su historia a conoce miembronan cu ta ex-politico.

ico.

Ministro Presidente a enfatiza cu si el a wak un tiki mas leu, por a tuma nota cu Sr. Voorhoever, bon conoci na Aruba, kende tabata Ministro y lider di Tweede Kamer ultimo tempo, a wordé nombra for di 1 di december como lider di Raad van Staten, mientras cu e tabata den Parlamento.

Segun Mr. Henny Eman Sr. Armand Engelbrecht no tabata den Parlamento, y tampoco activo den Partido, pero sigur e ta pertenece na un partido politico y esey ta e motivo pa cual el a wordé nombra den Raad van Advies.

Prome Ministro a remarca cu e ta lamenta e critica pasobra e ta trece un discusion innecesario riba funcionamiento nos institucionan y den un otro instancia cu mester ta mas serio. E ta lamenta e critica y e ta spera cu e lo wordé coregi.

Glenbert Croes na Accion Aruba Dushi Tera y MEP:

TRAIDOR DI STATUS APARTE TA CORE CU PROYECTO PA CURAÇAO

ORANJESTAD (AAN): Glenbert Croes ta lamenta cu Aruba ta perde un grandioso proyecto manera esun di Racetrack. Un proyecto cu lo a trece un bida nobo pa San Nicolas. Un proyecto cu lo a trece turismo di clase pa San Nicolas cual turistanan lo gasta nan placa den San Nicolas.

Esaki lo trece mas negoshi den San Nicolas cual nifica mas entrada pa San Nicolas, un crecimiento economico pa San Nicolas. Ademas di esey pa pais Aruba e proyecto aki lo a nifica diversificacion di nos turismo, sigurando un progreso economico/turistico pa decadanan cu ta sigui.

Pero hendenan cu mente chikito y sin vision por a ocasiona un perdida asina. Hendenan traidor di Status Aparte, traidor di tur local Betico a lucha p'e awe ta core cu proyectonan for di Aruba. Betico den su lucha di duna



Aruba un mihor porvenir semper a boga pa nos ta doño di nos propio destino.

Ora cu Aruba ta haya un proyecto di e magnitud cu masha poco hende por comprende su impacto pa Aruba, un proyecto cu lo a duna nos

un destino florescente, un destino y futuro sigur, nos propio Arubianonan ta corre cune pa nos hermana isla Curaçao.

Na Curaçao nan a goza pasobra mientras cu Accion Aruba Dushi Tera sosteni pa MEP tabata causa caos na Aruba, Gobierno di Curaçao a pasa man cu un joya di proyecto cu tabata destina pa Aruba. Esaki ta locual Lider di OLA ta lamenta cu un grupo chikito por perhudica un pais.

Si ta 5000 hende, si ta 10.000 hende mes, hamas nan por dicidi destino ni futuro di 80.000 habitante di un pais. Cualquier di nan cu 25 di januari ultimo manera hudan a manifesta dilanti estatua di Betico, hamas den nan bida por tabata sostenedornan di Betico pasobra locual cu awe nan a logra di manda e proyecto aki Curaçao ta contra principio, filosofia, ideal y causa di e homber cu awe ta nos Libertador.

Noris van Lis a huramenta como Parlamentario

ORANJESTAD (AAN): Despues cu Willem Vrolijk a "muda" for di e asiento di Parlamentario pa bira Ministro di Trafico, Comunicacion y Deporte, a keda un vacio den e asiento na Staten.

Mesora e informe tabata muestra cu ta mr. Noris van Lis-Donata ta e candidato di OLA pa ocupa e posicion como Parlamentario.

Esey a socede tambe, y DIARIO a ricibi informacion cu Diaranzon den oranan di atardi, mr. Noris van Lis-Donata a huramenta dilanti Gobernador mr. Olindo Koolman como Parlamentario.

Awor e puesto na Hulanda a keda habri, y OLA tin di busca awor kende nan lo manda Hulanda.

IF A CHOLLER HITS YOU...!!

